

四庫全書

集部

欽定四庫全書

御製詩三集卷八十四

古今體一百十七首

己丑八

詣溥仁寺瞻禮

河畔多年建梵宮

寺建於康熙癸巳年雖以時修葺  
茲奉皇太后慈諭復飾莊嚴鼎

新瞻禮策青驄顧名緬

昔期民樂

寺名  
祖所賜額也

祈實斯今祝歲豐有相莊嚴亦

真諦惟檀德業自

慈躬辦香心願於何結

無量壽希與佛同

澄觀齋

砢砢後張屏濺滴前拖帶山莊景最清斯乃清之最八  
百眼功德三千心世界曰澄澄底事是觀觀自在奚必  
更著言於焉以神會

翠雲巖

重重翠鎖髻螺紋不斷清香撲鼻聞風拂露華紛墜雨

是容容者豈非雲

遊獅子園

面挹澄波背倚峯清遊策騎偶從容今來歲月寧殊

昔獅吼園林本

躍龍澗口野流微帶冷墀頭嘉蔭越加濃不堪仰首高  
空望雲白山青聳疊重

松栢室

謾籟悠然戶外傳童童階際碧叅天種時伯仲清暉閣

金  
卷六十四  
闌明園清暉閣前松遭  
回祿曾有喬松歎之作却以山中養大年

### 草房

草房據岬巋四面羅巖谷

昔非寓茅茨今實勝華屋  
軒庭俯空濶暢可縱遙目不  
遑曰怡情惟是思敦樸

### 題宜照齋

樸斲山齋倚石城  
遊歸下馬憩怡情  
愛風致爽秋方孟  
宜照非炎宇正晴門外土鬆留鹿蹟  
林間葉密護禽聲

設於材品方清鑑未信斯之月旦評

就松室

一樹當庭滿院涼山中知幾閱滄桑就松為室室亦古  
憩室看松松自蒼種代有誰傳姓氏披風無意傲羲皇  
未曾清夜根傍坐月下應輝琥珀光

含青齋

齋據山之陰戶對山之陽翠峯與綠嶂面面胥包藏雖  
秋葉未稀不描畫自張但覺林間風吹來帶微涼欲會

含青者識幻乃得常

松霞室

窓外拏空百尺亭  
雲霞暎帶亦成青  
祇宜靜坐聽寒籟  
未肯其根劇茯苓

挹秀書屋

逐處有書屋坐便可讀書  
獨是無多暇魚之山徑紆偷  
閒一遊攬詠此復賞餘  
安能把芸編玩味探其腴  
剽襲固非他踈畧實愧予

題玉岑精舍

迤西逕更幽巔屹歷覓阻眄彼委宛間是我藏詩所精  
舍若真人不訢亦不拒翛然任往來夫豈勞言語

湧玉亭

夏雨優霑草木榮澗岨處處注波清欄杆試俯垂流澍  
湧玉今番始副名

碧靜堂自嘲

巖一起一伏谷一抱一環為勝輒弗同而頗勞躋攀擇



最築軒堂攬要圖坐觀原復肩輿至僕人忙不閒推已  
之謂恕吾猶惡此間

詠荷二首

紅葩綠葉郁承擎霞帔瓊裾凌浦行王母漢宮七月降  
紛隨嘉慶董雙成

不少秋英繞砌裳愛看隰有拔羣芳晚來巖鹿下飲水  
亂入雲霞遞嗅香

和聞玉赤壁圖

兩賓一主泛扁舟赤壁良宵壬戌秋底論清風與明月  
玉人真作廣寒遊

登臺待月上遂策馬遊山至湖復泛舟攬景得詩

八韻

過望月遲上登臺暫憩留纔看湧東嶺旋覺照西樓低  
則輪飛迅光於鏡攬適緣梯降不離按轡跋相傳萬木  
紛如影千峯幻似流陰森都入趣汗漫正堪遊出谷原  
隨馬臨湖復命舟笑他蘇玉局曾得擬斯不

題綠玉射虎韞

抨矢曾經倒應聲偶然一試不重行仲謀雖受張昭語  
笑彼為車太怯生

即事

山中早晚涼袷衣猶覺怯卓午原炎蒸單衣仍揮簞涼  
以催鹿肥持銃尋山峽炎以曝禾熟觀田俯樓堞墮時  
賞景光於心頗為愜陡憶師啟行

傅恒奏七月二十日  
自騰越起程至野牛

壩督促船成  
即分路進勦便因望馳捷

題張宗蒼峯紅樹圖

滿壁峯青嵌樹紅  
韻饒蘊藉氣饒雄  
尚餘佳蹟闕題句  
雅似名山尋不窮

登四面雲山亭子

今朝處暑曝秋陽  
婪尾蒸炎反異常  
數息肩輿纔造頂  
天風透體頓生涼

山莊一至一番登  
亭柱題詩歲歲增  
却是陳言難盡去  
清新俊逸又何曾

上祇天高下絕羣不遮憑覽靜巖氛若云萬里歸眼底  
那見滇南萬里軍

有真意軒

嶢軒隱重翠是日叩林闕據榻來涼籟捲簾入碧山撫  
題思舊歷摘句伴今閒真意有何處知於松石間

對畫亭口號

拾級聊登更上層月窓虛處對崢嶸一聲呦鹿來林下  
元四大家畫豈能

秀起堂

西峪茲初到書堂據迴厓果然秀無比率致起遐思空  
翠四隣落秋雲一縷馳留當作雨好蕎菜待霑滋

振藻樓

林態峯姿總入奇鋪霞摘藻恰相宜層樓隱似無言笑  
太古山中那有斯

經畬書屋

有容恒是得神寧不陋休誇惟德馨戶外山容疊方卦

是畱畬者定何經

靜含太古山房作歌

秀起

堂名

若大家李杜萬丈光芒透山房似別裁郊島無

妨寒與瘦窈而曲如往而復倚巖小築三間屋漫嫌十  
笏纔容膝萬壑千巒一窓足千巒萬壑自太古豈識樸  
室及華廡凝神契靜合忘言底用勞勞辨纂組

不遮山樓

洞達層樓納颯風林光嵐翠四鄰通不遮寧為

去聲看山

色宋祖開門意正同

趣亭

委婉遊廊曲入深啟窓峯翠撲衣襟寧當小大評山景  
得趣由來盡可吟

夜雨

七月廿五日

山莊駐決旬日日逢晴霽雖曰愜觀山吾寧為去聲遊戲

京畿報屢霑

昨京兆奏報京城及近畿初九得雨十四夜復陣雨數寸田禾倍為暢茂

口外

鮮遍暨大田已結穗不雨無害事蕎麥及菜蔬得雨乃



暢遂以此冀優霖切切慮難置晚雲暗千峯頗有作雨  
勢入夕落霰零時疎時密繼數入聲問霈如何高枕那能  
寐達曉知渥足籌農真慰意自春逮秋初時若蒙

天賜即今甫望澤甫望旋叨

惠自問奚以承敬勤勉弗替

曉晴二首

優霑夜雨歇清晨日射雲開霽景新正喜宜賜利秋稼

軍書又報遠夷賓

經畧大學士傅恒奏猛拱土司遣大頭目詣軍營乞降云其土司久有歸

順天朝之心向為緬賊所阻今緬酋所遣防守夏鳩之  
蓋拉機因其國中有事撤回竝知經畧大臣統大兵進  
勦願率屬內附迎候王師情辭極為誠懇遂優賞而納  
其降猛拱為江外一大聚落首先投誠適傅恒進兵在  
即實師行順  
遂之先徵也

猛拱迎師早備船統軍萬里國威宣乘機速進雖應爾

未免遙遙意念懸

猛拱所屬有船二百餘其土司願在  
夏鳩濟師並預倚芻糧供億恭順有

足嘉者傅恒不俟我軍到齊即簡勁旅五千先率往渡  
夏鳩江由猛拱進至蠻暮西岸籌聯水陸聲勢甚協機  
宜並深  
緒念

### 秀起堂對雨

肩輿入巖雲過午復作雨迴堂小憩坐連纖纖空宇素  
色挾颯聲艱繪誰能譜山雀避瓦簷野鹿翳林莽目涼  
炎若忘意澹靜堪侶苟不跋瀦蹊此景得何所

曉

千林宿雨收萬巘曙烟泮谷風送曉寒旭影鍾峯燦  
衣尚覺涼昨熱避如幻無定中之定塞外秋恒見傳宣  
問軍章可曾遞駭傳

啟晴齋

秋雨霑即佳無事為霖久今朝快霽定雲淨掃如帚乘  
涼可遊山緩轡入林藪四處棲巖齋岫壘隱軒牖千嶂  
烘晴煙心目敞虛受即景得初來來亦言旋走

清綺書屋

開窓落落納松風太古山情孰與同不涉言辭契倪莞  
小哉清綺詡張融

繪韻樓

繪事貴氣韻十知九弗到惟有化工筆無為而臻妙固

非樓所能虛受足觀徼唐宋多名家不少擅形肖較斯  
總下風鏡影神光照

策馬過谷遂至含青齋

乘興跋驂驪巖齋問景堪寥光澄素宇飛翠落晴嵐風  
峭樹聲颯露濃花氣馥適纔詠青處原在此中含

靜餘軒

處處有山居恬如復澹如中和氣已備晏息體常舒花  
露濃噴馥松風颯入虛雖云一晌靜原是萬幾餘

秋澂齋

天朗雲無一片凝果然碧宇到秋澄空齋恒得消斯景  
偶坐因之興亦騰

經畧大學士傅恒奏進兵日期及騰越晴雨田禾

情形詩以誌慰

撰辰月廿啟軍營魚貫先教前隊行

傅恒擇於七月二十日自騰越啓行

所統由夏鳩渡江之官兵自十三日起陸續前進連日倍覺晴朗將士皆歡欣踴躍滇人僉云秋時從無似此連霽者氣機實為順適誰謂炎方常值雨欣聞禡日屢  
即此可卜師行之吉

逢晴倉箱更說堪登稔

騰越一帶秋禾蔥鬱密茂高已數尺農民咸以為今歲收成必

倍豐稔於軍儲更為有益儲侍應知易致盈額慶

天恩賜嘉兆越顒速報大功成

題錢維城秋景山水十二種

殘暑而今除未除竹枝蕉葉畧蕭疎晚涼適可芸編展  
恰喜當庭月入虛

右小山清院

是誰琢得玉珠成落落如穿顒顒明高士於何識秋意

隔巖聽覺帶寒聲

右秋巖濺玉

新紅剩綠倚欹崎不信丹青能爾為自是夔州吟杜老  
插空絕壁過雲時

右層椒錦樹

櫂艤秋塘水一灣漁竿無事祇高閒倒聽楓葉蕭蕭下  
合是扁舟出石間

右楓江艤櫂



秋山已覺氣蕭清  
羅逕依然信步行  
笠杖者知何姓氏  
不為高鳳定逢萌

右蘿屏笠杖

古木無枝獨挺生  
春秋凡幾百年更  
試看霜後林林者  
一例槎枒那辨名

右霜崖古木

三逕雖荒松菊存  
田園逸趣頗堪論  
棹舟自是成孤往  
有待歸來未閉門

右菊逕松扉

雙梧階際透踈陰  
月戶團圓月正臨  
獨展芸編凭几者  
怡然悟得古人心

右桐陰月宇

簇簇花宮枕崛崎  
一簪塔影碧波披  
上方山頂楞伽院  
憶我拈鬚得句時

右澄潭塔影

斷岸枯荷已罷花  
長天秋水望偏賒  
楓林幾點星星者

倒影從新認浦霞

右綺林雲岸

蘆葉蓼花紛野川  
鴈行飛起帶溪煙  
謂伊莫漫書人字  
多有天邊望眼懸

右蓼汀鴈字

潦水寒潭露渚汀  
隔溪猶剩遠山青  
虹橋可望不可過  
訝似武夷張幔亭

右垂虹遠岫

永恬居

仄蹊原熟識屨步遠何嫌  
峯險鹿單過樹深鳥互覘  
到  
欣書史伴坐覺性情潛萬劫秋山色

天文與永恬

素尚齋

梯巖疊石磴其上覆雲廊拾級陰森處軸簾前後堂

是齋

在永恬居上  
即前後屋也

近非費物力高可挹山光

題額相輝映繹思

垂訓長

由西峪遂至創得齋因題句

尋勝巖蹊乘夕涼已踰半月駐山莊明知創得非新得  
熟處難忘却易忘納嶂窓中猶罨綠種松階下漸成蒼  
年來結構微嫌富即景雖欣愧不遑

雨

八月初  
四日

山雲鋪厚絮晚雨落婪絲雅助仲秋景未過十日期既  
疎還密繼從夕入宵宜菜圃與蕎坂及時潤益滋

晴

千林歛朝靄一晌放新晴雲脚遙天去源頭漲水生農

功既慰志山景足怡情正接軍營報時賜利啟程

經畧大學

士傳恒奏騰越自七月初十日起晴多雨少十八日以後連日皆晴二十日啟行天氣尤為霽朗軍行利便士氣歡騰此誠仰賴天恩佑助實深額慶

題倪瓚天香圖

南軒風雨乍晴時

見倪瓚識語

馥馥天香滿桂枝老筆蕭疎

為寫照笑他著色詞徐熙

題綠雲樓

近嶺遙峯濯黛紋  
雨收花木衆香聞  
乍來今歲如昨歲  
飛去白雲餘綠雲  
樹密傳聲禽喚侶  
泥融留蹟鹿過羣  
山田早晚都占穩  
登眺因之意亦欣

水月精舍詠新月

架屋據壁巔  
開窓俯溪面  
秋水正澄清  
秋月復新見  
影未深林飛  
光已真金鍊  
圓固上下圓  
半亦上下半  
雖然全體在  
示冲偶隱現

寧靜齋

右倚崇山左帶溪山寧溪靜示端倪設因題額言吾志  
速定朱波莫遠黎

清舒山館

林靄全收似啟扉既舒志復引清機鹿知熟徑尋常到  
鳥惜芳陰不忍飛境是天然羸繪畫趣含理要入精微  
斯宜久坐領其妙得句便去聲旋自笑非

學古堂口號



琴尚薰絃緬

舜徽秋風落葉拂書幃與其學古寧學

祖於此拳拳或庶幾

雨

八月初七日

夜雨達清晨優霑真愜人遠山藏不見喬樹潤來勻煙舫無須泛石蹊有可循林中逢濕鹿較比往時馴

晴

四山雲斂碧空晴既渥宜暘皞日晶額手心同老農樂

無勞較量待西成

紅葉

識時真箇是丹楓灼灼初翻八月風雅助山莊秋半景  
一枝相映晚荷紅

萬綠瓊中玫瑰相絕勝秋卉艷裳裳塞山月令原來別  
紅葉何曾定待霜

夜亮木

塞嶺多奇木奇過夜亮無不燃光自放遇濕耀偏敷照

孰劉向者賦同郭璞乎明柴蜀中有較此想非殊

觀瀑二首

盈科後進本無爭激作飛流便怒鳴偶此憑欄心有會  
大都物貴得其平

秋風八月葉微黃不獨臨流始覺涼設使橫琴膝上寫  
居然音亦中宮商

恭奉

皇太后遊獅子園

獅園近非遠養

志奉來臨最是童遊處越生孺慕心花香知露重樹古  
得陰深歡喜承

慈諭千秋例自今

樂山書院

書齋懸

賜額

額為  
熙年間所

皇祖

御筆康  
賜也

每至仰

奎光窓納峯還嶺畫過

平聲

倪與黃朝煙纔欲泮秋樹未

金蒼仁者樂山趣體仁

垂訓長

護雲莊

淨歛天衣一片無村莊近遠眼前俱腰鑱銍艾黃雲遍  
即此寧非護者乎

題宜照齋

石城下馬入巖館憩躬佳日色上階漸秋聲奏樹皆驛  
章頻問訊詩思漫安排萬事都宜照吾寧祇此齋

却炎榭

山嵐谷靄朝晡氊帽綿衣時或須便是午暄宜晚稼  
坐來炎意一些無

屬霄樓

山高其上樓益高因以名之曰屬霄足底埤堦棲磴礧  
眼前星斗相招邀雖此崇隆無並倣聽卑者更崇蕩蕩  
漫欣下入高遍臨應知高亦下共仰十目所視其嚴乎  
觸景粥粥倍惕吾

題食蔗居

一徑尋山岵千峯落夕陽  
棲巖原有屋間景可憑牀  
鴉影背翻現蛩音脇鼓藏  
心神滿涼意奚用大官漿

小許菴

山菴小許頗堪棲一過何曾此  
久稽設向其間論空色  
是為楊葉止兒啼

中秋夕即景

午熟知有雨

是日微雨

宵晴特應

去聲

時中秋誠不負上塞雅

相宜點綴雲偏好晦明峯益奇天香盆桂放即是廣寒  
枝

木蘭行圍熱河啟蹕之作

度節行秋獮

週年率以八月十六日啟程往木蘭詢

安便啟程仙莊數

入聲

南望寶稼逮西成過雨千溪漲烘

晴萬嶂明中關

行宮地名

午前到咨政慎權衡

微雨

八月十八日

西來地燥畧生塵傍晚山雲落雨勻未至淋漓礙行路



也教飄灑悅農人菜畦蕎隴皆潤意苔砌楓庭總靜因

安樂窩如邵康節

是處地名濟爾哈朗圖行宮蒙古語謂安樂也

那能點易逮

其津

阿穆呼朗圖行宮作

秋獵路由西於焉駐馬蹄三年如昨日

自丙戌至今始從此路進一

晌閱前題蛩脇報寒鼓鳥喙話別啼嶺名欣卜克

西進嶺園

曰卜克向屢有詩頗叶貞符

願即協佳卜

經畧大學士傅恒月初當自戛鳩至猛拱佇盼佳音

入伊瑪圖口小獵之作

今歲由西入路循伊瑪圖平川行小獵習馬式前模

進園

場口先行小獵調習馬每歲率以為例

命射一麇中

是日始發箭即中一麇

騰歡萬

騎呼

嘗新進

慈膳飛騎發山途

檀廬即景

收圍坐毳室四宇佈山雲日御須臾掩雨絲颯沓焚筑  
琴增峽響錦繡隱峯紋恰閱京中報優霑益慰欣

京兆奏京

城八月二十日自午時起密雨徹夜二十一日復自辰至亥細雨綿勻通計入土五寸餘菜蕎極為霑潤

獵

萬嶺烟開紫翠先行圍詩興亦因償丹楓白樺皆堪詠  
日暖霜遲未覺涼峻坂疾馳不復作前禽連中固如常

匣封飛遞軍營奏駐馬批裁務安詳

合圍後已策騎至山巔適經畧大學

士傳恒奏函由六百里遞到即於馬上展閱批答並傳諭指授機宜以期安速集事旋至獵場射鹿連有所殪  
仍無愆  
啓刻也

迴圍至波羅河屯行宮作

外藩都遣去內吏屢迎來納稼野村畢駐旌行館開潦  
消崖脚聳葉落樹根堆再宿山莊莅心馳先幾迴

至避暑山莊恭問

皇太后安即事誌喜

行館凌晨發山莊傍已臻

加豐慈體豫至樂慕懷仲日影窻延暖秋園氣藹春萬  
年結心願如願顙

天申

熱河迴鑾駐喀喇河屯行宮即景

慶典圓期胥歲成

安輿肅奉啟歸程行宮卅里駐宜近築圃九秋幸報盈  
潦盡灤江現洲渚雲生塞宇幻陰晴倏飛冷雨倏開霽  
玉積遙峯一壑橫

入古北口作

今年秋暖長候不限邊牆關外樹仍綠籬根花始黃優

膏後微欠

今歲關內外秋稼極為豐茂惟七月以後雨澤畧欠需透收成未足十分而口內秋麥亦

因地土稍乾未能一律翻種

奢望未全償更繫予懷者稀看宿麥芒

### 迴蹕至圓明園作

園門平楚向東開

往來熱河皆從園東門出入以路便也

踰兩月程一旦

迴直北崇山望已遠自南佳信願頻來庭餘綠蔭樹猶

茂座有黃花菊作陪銓部大員需引見

得缺人員秩卑者由留京王太

臣照例驗放其京員及外任同知以上官俟迴鑾引見親定

明當速奏面掄材

經畧大學士傅恒奏報收撫猛拱土司賜詩示獎

猛拱輸誠舟濟師朱波早是失藩籬

猛拱土司渾覺達其頭目脫猛烏猛

至騰越投誠願備舟濟師比經畧大學士傅恒軍次夏  
鵬江夷目等已陳舟江岸遂由允帽寨口渡江今奏報  
八月二十四日至南底河脫猛烏猛復率猛拱城長來  
迎並艤舟河干待渡傅恒先遣領隊大臣公奎林統勁  
旅五百往定其城俟後隊全至盛兵以蒞猛拱乃江外  
一大部落緬匪恃為扞蔽今既收撫其地則彼之門戶  
已失在我實操勝勢亦如平

烏梁海譬先收附準噶爾

斯易掃夷身先

去聲

諸軍共辛苦心嘉碩輔佛肩仔秋霖

中喜瘴江渡已趲兵行兩月期

傅恒於七月二十日自騰越統兵進勦出關以

後路益崎險魚之秋雨地溽積潦甚深平時驅馬可涉之溪非舟橋不得渡他人當之鮮有不畏難生阻者而傅恒督率士卒結筏成梁且有橫一木於水面身先踐涉為衆倡以此人皆感勵指顧集事雖當雨多漲盛之

時我軍安渡無滯據奏九月初十日計可至蠻暮與副  
將軍阿桂會師即議分路攻取老官屯較前歲師期早  
將兩  
月云

伊犁耆定久戈戢詎緬昏狂事蚺搔

西陲底定已慶戢  
業故於回部獻俘

時曾有從今更願無斯事之句實朕志也至緬夷僻在  
荒徼初未嘗有勤遠拓邊之意即其始作不靖尚不欲  
動衆聲討乃賊酋敢恃險遠抗我顏行且寬以一年待  
其悔罪仍冥頑負固此則國體所繫勢難中輟不得已  
用兵之苦心  
上天寶鑒之  
昔實謀猷贊帷幄今資奔走効弓刀東

山那學謝安逸上蔡還過裴度勞佇待紅旗飛報捷重

開紫閣勒勲高

前此西師之役惟傳恒與朕同志獨贊  
成功曾於紫光閣圖形策勲列在第一



今以事鉅人少不得已命前往經畧乃勸備嘗  
茂績尤著佇大捷迅奏閣畫再標用彰懋賞耳

### 冬令還宮之作

冬令此還宮維新殿閣崇

宮殿丹雘以歲久色舊特發  
帑飾新之自外朝至大內閣

三年而周今適告藏金碧諸采悉官為購用專員司之  
並簡大臣董其事工皆覈實煥麗倍增於前其匠役並  
按日給值非若古人  
工作藝鼓徵民也徐為三歲落非藉庶民攻虹射光

流宇翬飛翼矯風無須歌下管肯構省貽躬

### 題錢維城冬景山水十二頁

時節餞秋初破冬殷紅剩綠尚重重溪風敞閣渾無礙

坐愛寒林釀雪容

右寒林溪閣

鯉魚風過浦  
茭蒼渺渺烟波渡  
野航不是宣和劉宋畫

戲深浮廣亦相忘

宣和畫譜劉宋善畫魚深得戲深浮廣相忘江湖之意御府藏有羣鮪戲

圖 茭

右茭塘野渡

松泉石上落層層  
便入平湖未作冰  
獨立垂簾人似鶴

心於雲外託飛騰

右松塢臨流

幾間茅屋鎖槎枒  
三徑應開蔣詡家  
鼓吹早知謝蛙部  
啞啞聲喜噪歸鴉

右古木盤鴉

臨崖亭子翼如飛  
磴道穹堯盤翠微  
試問誰宜登策杖  
是惟許振太冲衣

右幽亭懸磴

棲迷煙景黯嶽崎  
正是寒雲作去聲雪時  
忽憶向年吟五

字

舊作有望雲  
思雪意詩

小圖畧得我心期

右蒼崖雪意

喬柯無葉有風聲  
人字南飛戛戛鳴  
應是衡陽歸去晚  
不辭曉夜趨前程

右喬柯飛雁

砵砢雲巖不計層  
迴巔堯榭可吟憑  
飛流赴澗聲軋軋  
半是寒泉半是水

右峭壁鳴湍

誅茅林下可從容  
林葉全凋見遠峯  
疑是齊人年十二  
學書時節恰三冬

右巖泉結屋

葉落千林峯露姿  
野坪惟賸綠松枝  
寺門不見僧來往  
煨芋寒鑪結制時

右松坪蕭寺

孤舟蓑笠者伊誰  
志不在魚上釣絲

魚過霜降則不餌  
不餌安可釣然詩

人詠雪中把釣者不一而足豈南  
北氣候相殊物類亦因之迥異耶  
滿目寒江無雪意  
精

神却寫柳州詩

右扁舟獨釣

草亭四柱凍江濱  
雪後巖蹊迴絕人  
縱是林光晃晴色  
遠山猶積玉為皴

石林亭晴雪

聞沈德潛故詩以誌惜

平生德弗愧潛修  
晚遇原承恩顧稠  
壽縱未能臻百歲  
詩當不朽照千秋  
飾終宣命加優典  
論定應知有獨留

吳下別來剛四載，悵然因以憶從頭。

微雨

十月朔日

冬澤期知暖，秋膏希望殷。午雲方醞釀，晚雪遂繽紛。融

地質無見，灑窓聲細聞。已符三白兆，

十月九宮適值三白在下俗有三白

落地雨雪多之諺

雖小亦堪欣。

孟冬御園即景

來往御園為問

安小陽候了，不知寒錦輝。洋菊花爭放，綠綴堤楊葉未

殘舟水遲冰原可泛樓陰微雪已宜看濃雲入夕思酣  
灑望得恐孤轉覺難

經畧大學士傅恒奏進緬彝詩以誌事

師會新街可進航

經畧傅恒既由猛養至新街會兵大江上游已為我有而自野牛垵運至

壁幕船料亦以次造成遂分撥舟師水陸進剿

賊人迎拒據蘆塘

賊潛聚新街下游於江灘

結寨一復於江灘右及西岸各結大寨一以拒我兵時有賊船隱至遠岸窺我營勢

數番斫陣妖

鋒挫兩隊奪舟我武揚

傅恒等在東岸派兵携鎗礮備應見江面賊船至有紅衣賊目

駕大船統之我江灘兵即以礮迎擊船應機碎賊皆赴水遁餘船未及退侍衛阿爾蘇納護軍校烏什哈達乘



吉林小船進掩之海蘭察等亦率兵繼進近灘又有紅衣賊目舟膠不得行烏什哈達即躍入淺水中射斃賊衆十餘人賊目持鎗欲格吉林馬甲烏雲保穀矢墜之烏什哈達奪得賊纛一阿爾蘇納亦統兵奪其西岸大寨其餘將領等獲賊船糧斬將擐旗嘉此衆水凶土劣械無笑殺賊計五百餘

慮其方

新街捷奏至嘉在事將弁奮勇宣力舉其尤者各賜巴圖魯號超擢進秩有差餘並下部錄叙

越數日傳恒以所獲賊纛及其鏤銀碗具郵至篋而藏之武庫用待策勲及我師進次老官屯賊人守拒甚固猝攻未下遂奪彼屯西一寨殺退賊衆絕其糧援已可計日而取但其地水土惡劣我軍多有病者時當冬令瘴退尚且非宜則陽生春至以後更不可以深入因傳諭傳恒等攻得老官屯後即速撤兵見可知難為行兵要領朕惟審時度勢順天而行不欲執意用武也

老官屯得當振旅觀象玩

辭易義長

冬至

南郊禮成述事

禮重

圜丘大祀

天辟公躬率倍變虔膺圖心籲百千代薦爵于經卅四  
年應律生陽不遠復入冬望雪又如然民寧歲美攄忱  
願

錫佑仍惟賴

上乾

微雪

十一月  
廿六日

望雪半冬歷密雲三日過遠霑茲近灑

近日同雲彌望  
節據豫東撫臣

摺奏本月中旬所屬得雪三寸有餘直隸省城及各府  
自三四寸至七八寸不等京師此次所得甫及寸許尚  
需繼霽慰不抵慙多積地剛成寸捲空輕似羅明知猶可

待已覺迫如何

降旨班師詩以誌事

有序

南詔炎荒最爾蟻封自擁朱波汙裸狡焉蝸角誰  
爭自墮吏侈語羈縻弊生束濕致土司洊罹抓掬  
釁啟養癰當制府之新命再頒冀旗營之舊觀一  
改乃前鋒武揚於摩壘而別隊期誤於援師緩攻  
既經浹歲大舉可再稽時是用俞重臣之請行統  
全軍而采入所過饋餼相踵兼收棲畝之禾捧檄  
偕徠並効成杠之役夷人野人之並集夾道臚懽  
猛拱猛養之咸歸先驅著困爾迺部聯水陸營合

東西奪港柵而鎗急爭呼指真可摘焚洲船而礮  
轟莫禦腹已不支既張拔砦之聲遂併攻屯之力  
絕連道則先摧右寨斷臂難伸殲醜徒則并靖傍  
傾擣心可待况洞胸矢貫紅衣空舞蛇矛斬馘鋒  
銛漆股均填螳轍方期扼布都之隘遂將傾阿瓦  
之巢惟是濡時瘴作即次癘生不宜以上選之勁  
兵試殊方之厲烝逆斯征而順斯撫當上體夫

天心不足臣而不足耕亦俯循乎地限爰因掣纛聲威

之後早示收鉦振旅之期而郵輒旋臻貝文附進  
顓傳圍勦俾獲生全固應許以自新且徐籌其善  
後進止勢所宜然始終事非得已縱苦衷難蘄於  
衆喻而司契實定於先幾用系長言以資紀要并  
申短引聊代述懷

大勝新街武畧張勵師進取靖豺狼足云示創蠻江地

適有相求貝葉章

經畧大學士傅恒等在新街江喬連破賊壘復蘂奪舟殪厥克渠大殲醜

類賊衆披靡奔竄遂進攻老官屯先拔其屯西一砦絕  
彼糧援復逼攻大寨已可計日摧堅顧其地水土惡劣

我師在彼者漸多疾病冬令瘴退時尚爾則陽生春至以後更不可以久留因念我將士為國敵讎即使臨陣捐軀固優卹所必及亦分誼所當然若令其嘗試毒癘於心實有所不忍因傳諭退兵傳恒等尚未接到此旨而奏至緬酋憎駭奉有致將軍等蒲葉書遣其大頭目至老官屯同賊寨大頭目諾爾塔頻詣軍門額請貸其聲討傳恒等因移檄使受約已自畏威而懷德底期肉東貢其奉表納款暫許解圍

袒與牽羊

征緬之役原出於萬不得已今之撤兵亦惟審時度勢順天而行朕志久定於中國

不係於緬酋之乞降與否但彼既以窘懼請命則更無事於必逞兵威今春傳恒奉命經畧曾於宴次賜詩有莫拒牽羊肉袒降之句意原在於和衆安民樊鄉悉怛繼為造舟行亦曾及之未嘗不早計及此也


非嘉畫渾覺優恩俾樂康

撤兵善後事宜已諭傳恒等熟籌妥辦至猛拱土司渾覺

既率屬內附即當為之計及安全若聽仍居故地恐日久或不免為緬匪侵凌難以遠為維護因諭傳恒等詢彼所願令於邊內擇善地處之俾得樂業安居不致為賊所毒逞

### 除夕

依然晨與暮倏異舊和新  
半夜消今歲明朝入六旬  
生憐漏滴瀝不肯駐逡巡  
寶鼎燭香柏煙凝萬福臻





御製詩三集卷八十四

# 欽定四庫全書

集部

御製詩三集卷八十五

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣潘奕雋

謄錄監生

臣符國琛

欽定四庫全書

御製詩三集卷八十五

古今體九十八首

庚寅

庚寅元旦

占穰喜復值庚金少海初曦殿角臨  
負辰又茲宵旰始膺圖不覺歲年深  
正供普免培民氣恩榜重開惠士林  
曹植漫陳元會什宋祁誰獻守成箴

元旦試筆

蒼龍金虎運璿杓綵筆花牋又頌椒首祚元陽新歲旦  
重熙累洽大清朝紀年恰是卅五始數日還欣廿四饒  
詰曉炷香拜

天地虔衷惟祝雨暘調

上章引達泰符臻農諺登秋郊值辰

農諺一日得郊十分秋今歲元旦適

建巳仙木駢羅朱戶燦春旂旖旎綵屏新條過五十臨

六十益勵心寅撫歲寅履慶延洪俞衆籲行將

翟輅奉時巡

元正太和殿賜宴紀事二律

征緬官兵振旅旋朱波懷畏靖蠻邊六旬大慶從羣請

今歲逢朕六十萬壽禮臣稽典請於元旦賜宴先期具疏以聞卅五君臨勵久虔盛禮

又週十年閱自庚辰舉行慶典屆今歲紀一週通班嘉許百工聯底須

給事陳祥桉見唐書禮樂志實政勤祛虛瑞傳

曉晴傍午佈濃陰旋見祥花飄鬱森禮重晨叅而晝會

庚居辰過又寅臨試看雁詣還鱗萃詎在奉珪與獻琛

較量農占誠大吉元旦日欲風日雲雪皆有為上歲祥占是日正符嘉兆垂衣南

面倍生欽

鄒一桂歲朝圖

白石紅梅傍水仙  
瓷盆供養淨而娟  
分明一段江鄉景  
圖作歲朝吉語傳

木根如意

古根結蟠自然成  
器蓋得之天全者  
敬惟

皇祖手澤所貽  
法宮永寶賦以誌之

貌古以神全體  
輕用樸堅簪鐸  
范姬代

揮座緬

堯年西暖閣中秘歲朝圖裏傳

如意凡二舊同吉祥草並貯周虎鐫癸未新春

曾與盤列四部貢果合繪為歲朝圖系詩以紀

迴頭若相顧執友正齊肩

其一

執友二字

執友

亦木根如意也執友其舊名並刻黃山主人延齡

長命客字於上樛然古穆置乾清宮鐫于中即已

百年矣

仙骨稜稜誰執友主人即是黃山否深山大澤弗屑居  
秘殿崇宮永為守靈根突兀擎龍蛇奇文纏繆走蚪蚪  
漢唐以上不可知漢唐以下誠無有罅于倒置不待叩  
箇中妙義憑會取靜為用亦謝指揮八千春秋斯並壽

降旨普免天下正供詩以誌事

有序

國有大慶欽福以敷錫為先民可常懷孚惠而德  
心宜廣溯在丙寅丙戌普曾蠲賦蠲租凡皆體

皇祖之深仁總期臻兆人於殷阜茲屆朕躬六旬周甲



喜達寰區繼值

慈闈八袞令辰祝伸連歲尊親而誠形頌禱嘉彼總總  
林林熙洽而運際昇平撫斯樂樂利利繫綏萬既  
貽豐屢象實感寧而取一原準恒經供由惟正然  
施生之道用下下而大光若庶富之加乃多多而  
益善矧時府庫無虞其或匱宜使草野常留其有  
餘爰循

舊澤以推恩更沛新綸而宣愷自三十有五年以始省

通參輪計二千八百萬而贏額均全貸恰暑德金  
穰迭叶有秋知樂倍裕和况歲枝木盛兼符方春  
適令隨長養布十行之寬詔漸繼今申迓

昊禧合萬國之惟心願持此洪延

懿壽式昭令典用述長言

丙寅正賦免寰陬屈指歲支又再周惟是愛民念無已

不言節用澤還流

方今帑藏充盈戶部核計已至七千三百餘萬每念天地生財祇有此數

自當宏敷渥澤俾之流通而國用原有常經無庸更言樽節不必若魯論之連類而及也

祖功敬繼幸成倍

朕寅承本

洪緒惟以法

祖愛民為

周朕今幸得再循前烈惟益勉切繼繩耳

慈壽恒縣祝更悠設使三番能遂願

朕即位之初即對天申願我

皇祖幼齡踐阼得至六十一年為亘古所希有朕即位時已二十有五若至乾隆六十年朕壽亦八十五矣斷不敢與皇祖並肩即當歸政引年惟時亦仍下普蠲之詔與丙寅及今而三此則上天嘉貺實亦天下臣民與民歡喜戴之福慶也

天庥

扎卜扎雅木碗

草根成木質西藏著靈奇

云能辟毒物

既是佛經地何虞毒

物施足承金鏤虺口緣去聲鐵蟠螭面目本來好多斯文

飾為

題董邦達春華集慶小冊

春渚探梅

野塢溪橋霏雪香良朋相與泛滄浪  
挈舟春渚知何處  
鄧尉山陰光福陽

春園戲嬰

梅已酣紅柳初綠羣嬰作隊戲名園推梨讓棗彼知否  
老安少懷吾意存

春社祈豐

古寺風幡出樹杪崎嶇寺路阻而修農民奔走祈春社  
一歲勤勞此起頭

春洲挑菜

暖入春洲野菜生採來煙甲滿筐盛貧民餬口頗資此  
玉食能無不動情

春雪漁艘

積來春雪暎春江  
破冷漁人泛野艘  
果否得魚猶摸索  
恰如不見玉花蹤

春郊牧笛

草色鋪茵柳顰絲  
東郊舉趾正其時  
牧童那管青牛瘦  
短笛無腔且自嬉

春雨新耕

濛濛春雨優而渥  
冒雨耕人勞亦歡  
正是恒年顓望際

畫看容易即真難

春溪放鴨

春溪藻綠悅鳬翁  
放去收來一水通  
不必為關亦無關  
底須詭辯陸龜蒙

春流脩禊

羽觴際渚曲流通  
峻嶺茂林暢惠風  
不識羣賢脩禊者  
右軍當日可能同

春雲出岫

金步口八  
卷八十五  
輕雲出岫始氤氲坐眺高人迥不羣異我春朝望雨意  
由來勞逸有攸分

春山遊騎

春林吐葉淨而娟春谷淙淙始放泉雅似行春橋上望  
吳山韶秀入吟鞭

春泉竹塢

熾沸新泉初作聲未秋綠竹影縱橫憶予閒訪雲棲寺  
聽玉玉林中步行



春城曉色

溫暾曉旭上朱樓  
嫩柳輕煙淡蕩浮  
宛洛遨遊應日盛  
果然春色滿皇州

春澗鳴湍

飛泉落峽怒湍鳴  
已覺其聲壯昔聲  
自是源頭春雨足  
村村欣看出新耕

春林覓句

春林杖策賞煙光  
莫認奚童負錦囊  
雅正清真詩亦有

雕蟲小技早輕揚

春帆細雨

濕煙片片雨絲絲  
柳外風帆欲過遲  
甌社菱絲湖上下  
所逢往往景如斯

安徽太湖縣民朱憲章偕妻劉氏同登百歲大吏  
請旌並成是什以賜

百歲題旌之疏歲凡屢見似茲夫婦同庚期頤偕  
老一堂樂順四世承歡者實所罕觀洵熙洽之祥

而仁壽之徵也自不得僅以尋常人瑞視之

儘有老翁及耆媪鮮聞婦歲等夫年成雙大壽真希覲  
覓匹寰區孰並肩四代孫曾聚庭戶一家耕讀樂鄉田  
重熙喜值閭閻泰用紀人祥叶藻篇

雪

正月初三日

連朝蘊釀密雲垂侵曉漣漣遂霈施節未立春猶是臘

兆符元旦正宜時重樓十二皆皴玉

自正陽門至神武門正十二重樓

世界三千遍被釐拈筆欲吟還自問似茲何以答

天禧

絳雪軒即景

御花園賞萬幾間

坤寧門後為御花園軒在東廂庭前古海棠數本以此得名

滕六

霏祥意不慳真瑞喜猶逢臘後虛名何必取巖山鼎甌

烹淪韻誠愜筐筥掃收事已閑

每雪後僕役掃收培樹例有賞故無不喜為

松柏可培海棠否性殊貞脆識其間

延暉閣

閣俯宮牆迴雅宜騁遠眺春光漸漏洩雪勢正婆娑脊

欲平金鳳簷疑棲玉鷺曦輪韜亦可澤豈厭其多

碧琳館

節節雕瓊葉葉樂韶春真是報平安三冬望澤常眉皺  
博得今朝慰眼看

賦得玉壺冰

十笏容文席一牕含假山望如增茗邈積矣更孱顏內  
外虛明徹清新格調開冰光迎尺宅得句孰能慳

羣峯雪霽歌題黃鼎大幅

向聞宗蒼

張

之師曰黃鼎其蹟蓋弗多見見兩三羣峯

雪霽見斯幅理大物博實不凡乃知源清流必潔茲豈

易言青出藍峨嵋太華未可辨羣玉簇簇攢峯尖白雲

出沒反在下雲下復有飛泉百道垂巘巘精藍野店間

去位置各宜其處堪幽探水碓舂米白流澗酒館避冷

青標帘過橋跂趺驢蹄滑負擔殘殘客背僂山僧閉戶

顧不出自把一卷叅華嚴勞逸色空畧具示所饒逼人

寒意頓欲重裘添宗蒼告我畫應氣韻勝是乃突出氣

韻全以神包函

題方琮倣黃鼎羣峰雪霽圖

雪霽羣峰矗玉簪  
巖枝澗瀑氣蕭森  
師承已自非私淑  
況是親從粉本臨

棧道縈紆路幾盤  
炊煙旅店曉升寒  
客人驢背行猶顧  
似是相存難不難

已入室偏未及門  
不遺形復有神存  
持將淨垢

黃鼎號

原

圖看一例寒光射眼昏

降旨加開恩科詩以紀事

有序

文明燕喜頻年正慶洽

璇闈壽考作人兩試仍

恩推蒞榜開袞而典徵令甲紀科乃序叶由庚引春秋

以八千期秋實春華之並茂搏風雲者九萬恰雲

龍

前屆庚辰

風虎

今歲庚寅

之相從矧銓衡既廣疏通斯登

進宜多藹吉三場偕上懼隨翰墨以呼

嵩六琯初調澤沛絲綸於匡斗億載例茲



永錫初韶用是載賡

錫類推

恩典具常十年惠一沛膠庠庚辛連歲胥逢慶甲乙加

科永兆祥缺少人多為籌畫

舉人需次向多壅滯丙戌會榜後特勅掄選多人發

各省以縣令丞倅教職等官分別錄用廣為疏通昨歲復諭部量每省人缺多寡調劑適均俾益免於停積

真文實行在明揚

慈寧萬壽循環數

上聲多士蒙

麻正未央

新正重華宮侍

皇太后宴即景成什誌慶

家宴重華例有常承

歡首歲肇千祥條風東陸暄初布愛日南陔晝漸長

恩謂六旬寬禮數

奉

慈諭一切跪  
拜之儀皆令從簡

誠惟

萬壽祝康強瓦鴛積玉山鼇映

慈顧應知喜倍慶

奉

聖母命賦得萬年枝上日初長

琪樹託根蘭殿旁  
龍蔥佈影玉階蒼  
承溫枝愛春曦麗  
含潤葉浮曉露濃  
疑是再中金鳥駐  
那如無據紫鸞翔  
內臣報覺蓮壺永  
宮女量同綵綫長  
瑞氣氤氲依幹護  
和風淡澹拂柯香  
非關上苑虛傳號  
喜映

東朝實兆祥謝氏  
芝蘭寧比數周家  
姜如共輝光  
延麻襲慶歌苞茂  
萬歲千秋奉

壽康

題藍瑛雪景

峻嶺奇峯玉作堆，寒溪不凍落澌迴。  
阿誰策杖野橋過，知是尋詩得句迴。  
黑襯白留蹟，弗襲松蒼楓紫面重開。

王家飛雪千山法

見圖內瑛自識語

粉本應從想像來

降旨加賑去歲各省被災諸州縣詩以誌事

九寓正供與普蠲，吾民休養俾安然。  
喜無租賦呼之急

念有災傷被者偏

元旦下詔普免天下正供一年，俾益臻藏富惟念上年湖北江西安徽三省

瀕臨江湖州縣偶值霖漲，被有偏災，而江蘇浙江低窪之鄉亦間有因夏雨成災者，雖均賑卹如例，屆茲東

作方興民食恐不免拮据復降旨各  
予加展賑期並借給籽種以資接濟  
因教加賑各勤宣恩殊等次施輕重  
分別極貧次貧加賑兩月一月並視  
被災分數為差要在閭閻獲惠鮮

### 詣

雍和宮禮佛作

興慶當年選佛場初春幾暇禮空王  
六街三市皆珠玉

利物宜人大吉祥東壁圖書原靜好

東書院即在宮左側齋曰大和

昔時歲月黯神傷六旬兄弟相隨逐

時和親王以領宮務相隨話到

髻年電火光

大和齋

竹石逕蕭森  
芸齋廣且深  
一時多古意  
萬物識春心  
風細簾旌窄  
雪融簷溜斟  
大和契元善

聖日照於今

新正悅心殿

躍龍邸第炷香還  
路便因之到瀆山

元之瀆山即明季之瓊島也樹

態峯安濯雪  
後屏南硯北  
伴幾閒三冬望  
澤心那悅一

晌行春意始憫煙火皇都憑富庶可能此象遍區寰

閱古樓

重樓何事最稱奇四壁球琳寶翰披薦念今人斯閱古  
古人那復閱今時

畝鑑室

冰鑑剛成畝妍媸已莫遺設將心照喻寸耳廓於斯

環碧樓

凍浦寒山映帶廊凭窓聊復賞煙光漫嫌引景猶蕭颯

碧意其間爾許藏

嵌巖室

礎礫間構室勝占瓊島陰循徑步砢砢倚窓望林岑衆  
木待春芳蒼松挺數去聲尋冰湖儼明鏡朗敞開懷襟雖  
無煙霞想聊結山水心

抱冲室

示謙謝莊賦訓虛張華詩二義均切我靜室則何知然  
我處室中夫豈無所思受益玩易象戒盈體書辭十笏



亦淵然遊息欣相宜

得性樓

就迴為高築小樓  
蜃窓萬景畢來投  
靜觀物物契真性  
云得豈因自外求

延佳精舍

上為得性樓下即延佳舍  
構屋寧在多其楹本一架  
攬景致不同會心原互藉  
譬如春氣鬯萬物含和化  
斯乃佳之最亦豈資延迓

坐冰牀至鏡清齋

太液平鋪鏡冰牀其面輾行至池上齋一鏡又重展鏡  
雖殊大小照弗妍媸舛要在無成見順應因物辨趣符  
定性書絜政吾當勉

焙茶塢

北地無茶豈藉焙佳名偶取副清陪亦看竹鼎烹顧渚  
早是南方精製來

抱素書屋有會

無華不因素素乃華所以椎輪大輅駕落葉龍艘駛然  
則欲去華應自去素始素固不可去華又安能止當此  
踵增日蒿目其難矣

看畫廊

高下假山上廊胥縵轉循底須藉金碧惟是足精神花  
鳥四時繪峯巒六法皴人皆解看畫畫可解看人

題畫舫齋

冰堅不可泛舫率塢中藏豈如舫作齋依舊俯林塘雖

云艱行水而恒泊水旁四時具波意一蓬含煙光誰能  
忘筌蹄與之泝渺茫

古柯庭

古柯千百年湖石磊柯邊論地柯固古論石古在前賦  
質羲皇代石植根金元間柯以此較久近奚啻彭殤懸  
然不以石稱則柯幸名傳非附青雲士聞諸司馬遷

輿曠室

輿則難為曠曠於輿益佳生機鋪綠草嘉蔭覆高槐委

宛來延步虛明坐暢懷率然成五字殊不費安排

降旨酌免雲南兵行所過州縣錢糧及直隸河南

湖廣貴州州縣錢糧詩以誌事

雖然戢武罷征緬尚有班師振旅旋比里或當執役鮮  
於民寧靳布恩駢秋征秋納寬恒賦十五十三例上年  
邇年征勦緬匪軍行經過地方供頓皆官為支給絲毫  
不累閭閻而執役服勞未免稍資民力曾予分別蠲緩  
以獎急公今已降旨撤兵復加恩將滇省承辦軍需州  
縣正賦蠲十之五其官兵振旅所經各省蠲十之三等  
差仍視往例而藏富用培元氣復勗哉官吏慎勤宣  
恩膏則更溥焉

策頭寫五君子圖四疊舊韻題句

一韻數疊初東坡愈出愈奇取適性設如纖麗逞詞華  
義乖風人翻為病五君子圖凡兩作頗類玉局飛吟興  
張若鄒一錢維各什成一畫苑無題等曹鄭崑盆襟植  
儼聚奎朵殿春和景初孟寫真貌殊神則同氣求聲應  
胥歸正五君五詠效延年却非踈誕託酒政

題吳鎮山水卷

江天帆影

臨江敞榭俯滄瀛對坐幽人似有評遙見風帆往來者  
知他牟利抑牟名

茅亭夕靄

茅亭四柱向空闊水面風吹夕靄涼笠者應非沮溺輩  
荷鋤野釣趁歸忙

松谷携筇

高人應是右軍徒杖自蜀中寄否乎二老相看微若愧  
亭亭他不藉筇扶

古木煙篁

古木槎枒葉已枯  
煙篁幾個綠相扶  
一是二非一二  
於此起心分別無

村橋野艇

前山過雨漲纔消  
艇子隨流出野橋  
一例濛濛為墨戲  
非關較量米家瀟

柳陰垂釣

竿綫乘涼傍柳陰  
游魚想亦喜清潄  
鉤香餌渾無藉



為去聲彼機心勝逸心

寒林步屨

捲谷吹來廣漠風  
千林葉落見長空  
高人散步得神契  
契在蕭疎慘淡中

扁舟煙雨

幾葉煙帆泛碧漪  
溪風習習雨絲絲  
擘舟者不知衣濕  
正是全身裏許時

山徑探幽

白足者僧杖者儒山蹊却顧步踟躕林中村舍近不遠  
覆釜相招儻是乎

石磯坐憩

叢樾陰森淨絕塵兀然袖手坐崖脣葛天氏世去已遠  
仍有無為無事人

叢筠晴碧

搖曳晴光巧入虛近濃遠淡互扶踈分明潑墨聊為戲  
个个風敲綠玉如

草閣觀泉

因其勞不計其拙

見卷後  
自識語

為語王君恕道人我謂勞工

神似者未如此拙趣超神

素尚齋

一雪天人喜開韶氣和  
盞紫光將賜宴藩部  
聯情暢待  
備聊從容南臺且遊望  
玉林中  
循逕  
晶簾前  
展嶂  
滌目  
更沃心  
此素實堪尚

淑清院

凍泉珠凝

去聲

落林塘塘上文軒翰墨香峙背數尋翠

柏依傍一曲繞紅牆景光欲淑權為戢水石惟清祇守  
常設值羣芳爭麗日於名反覺未相當

千尺雪二首

飛波紛委落嶙峋積素鋪冰一色勻豈不尋常斯對雪  
果然假相弗如真

蒼松詭石百餘年計雪寧惟尺以千坐此祇宜賞幽素  
綵燈何事綴簷前

同豫軒

行時實願豫同民又值開韶淑景新  
繼彼茅簷部屋者向隅寧止一其人

寶月樓

層構聳眈眈液池南復南  
新蟾繞一拍古偈悟千潭  
詎必華燈賞雅宜清興探  
西山登處見春氣鬱煙嵐

涵春室

假山上置屋南液西南角亦自具  
登臨豈必在犖嶢

榆下重簾蘭蕙芳華幄紅牆隔衢市靜聽鳴紙爆起蟄  
物涵春斯室實先覺

長春書屋

每以新春至長春實副名詩書趣瀟灑松竹影縱橫  
蠢觀生意藹藹協物情體元應我切布德在躬行

題隨安室

隨安室是舊居稱此地讀書昔歲曾散業樂羣今不復  
對時育物又何能石門煙月級偶拾冰牖春風景重

去聲

憑攬鏡本來茲面目鬢邊底事雪華增

靜憩軒

靜自心生無不宜憩由境美偶逢斯設如藉境求憩者  
了識於心鮮靜時

題文徵明倣古十二頁

倣王維海山仙觀

崇椒仙觀俯滄瀛誰泛樓船一葉輕徐福非關權避世  
成連應為巧移情

倣鄭虔秋山行旅

秋林翦翦氣蕭蕭  
驢背行人過野橋  
真蹟何曾見三絕  
畧資津逮已神超

倣董源寒崖蕭寺

紅牆綠樹碧溪頭  
物色看來颯作秋  
摩詰輞川暫捨舫  
寒崖獨去訪優婁

倣燕文貴夏山過雨

雲歸山脚漲增津  
如滴層巒翠色新  
叢樾之間猶墜露



支持破繖過農人

倣趙令穰湖莊秋曉

湖上軒窓面面開  
輕風水際挾涼來  
高人杖策石橋畔  
應是初探秋信迴

倣李唐松巖高士

謾奏喬松綠映顏  
涼生襟袖坐高閑  
超超筆意不凡處  
晞古應論伯仲間

倣劉松年水閣延賓

水閣圖書伴靜娛  
明知石棧尚縈紆  
良朋夙有盍簪約  
策杖溪橋過也無

傲馬遠松亭眺雪

萬嶂素皴氣俱肅  
一松青蔚勢偏豪  
寒侵鑪火茶煙歇  
漫認倚欄人姓陶

傲趙孟頫雲岫臨流

臨水因之心不競  
觀雲還與意俱遲  
衡翁非擬王孫法  
恰是神傳子美詩

倣黃公望富春秋色

峯色含蒼樹色紅  
閣閣一笠俯長空  
富春大嶺石渠奔  
景概不同神韻同

倣王蒙春渚垂綸

出水輕條欲上綸  
溪堂袖手立佳賓  
相看未免還相笑  
似笑猶為有美人

倣唐棣楓林歸梵

楓林葉落打頭風  
笠子擎來似住空  
行脚僧人歸寺去

小叅恰證不言中

紫光閣賜宴外藩疊去年題句韻

正節欣逢

天澤行

初三日大雪繽紛自晨達午積可四五寸田家五行以是日為上正三節適遇祥霽尤徵稔兆

池冰鋪雪閃光晶筵開紫閣諸藩侍樂奏彤墀萬舞呈

巡酒都遵令儀什聽歌敢忘勅幾情驃蠻歸命王師返

去歲紫光閣賜宴有壁勒戰圖思往績逾年征緬底遲成之句蓋其時正籌進兵勦緬及冬月師抵老官屯攻聞方急顧其地水土惡劣兵有病者因傳諭撤軍旨未至而緬酋適遣其頭目詣軍營籲乞歸誠傳恒等具奏

遂俯從所  
請班師  
亦可云然告武成

正月六日重華宮茶宴廷臣及內廷翰林等詠玉

甕聯句並成是什

天寶物華出有時巨璆成甕適逢斯訝來西極今傳珏

元時玉甕以歲久淪落乾隆乙丑命以千金易置承  
光殿中俾毋失所今得是甕材製巨麗實為過之莫

遣東方古擅詞綵勝迎人雙燕頡銀牋照几七言摘鳳  
樓玉積誠同慶應以敬承敢以嬉

一巡三爵古常稱茶宴清班聞幾曾抽秘不忘箴則可

探奇迺覺器相應尺盤升枕奚堪匹筆室墨壺恰得朋  
莫謂頻繇方物貢較於堯擲愧尤增

玉甕聯句

有序

金應穰占鳳律韶華載啓玉徵德產龍章瓌質初  
呈將垂紀實之文用叶臚聲之唱粵自崑邱衍脈  
聞嶺儲精謝韞包席褰於當時不辱西濛之豪敘  
抒山元水蒼於此日留充東序之正供痕璽猶存  
界道微分鋸齒輪囷不改挽輸直壓船脣三河滑

碾冰匱詎費萬牛回首四部難攻水磨漫勞重繭

生脛因茲度彼良工斷手須廿年以俟爾乃資乎

利器匠心甫六載而竣

此甕初付工琢按常時寶砂礮石磨治法計之須二

十年乃得藏事玉人有請用秦中所產鋼片雕鏤者試之殊利捷自癸未冬迄己丑長至月閱六年而成程工陋紀甌鱗鼎之杌然難名法物矜燕瑤省十之七

魯璠之瑟若曷副嘉稱然而數典云遙傳觀自近

瑪瑙哆言巨麗玫瑰譚語晶瑩殷商亦祇獲三腴

炎漢乃空求六璽謏聞未離乎鼠朴真氣或晦於

虹藏越攷有元當至正之間相傳酒海艷瀆山之  
製覆廣寒而作鎮凌瓊島以標奇從官咱馬排筵  
翻匙惠徧衛士質孫備服立仗儀崇轉流竟落鼓  
祠蘢蓄徒淹十斛薰沐旋登員嶠檀施特畀千金  
相其麤礦留餘得地已圖臻瑞應對此礱鋟具美  
交光尤契婉援神雲海沿周范之紋襄炭下觀泰  
壹山龍發虞裳之彩銜暉旁燭樽桑腹圍量九一  
而更羸軒管適符生數面徑叅二五而皆合箕疇



還協全規矧夫序屆上章國慶剛逢周甲支臨引

達

慈歡早洽先辛初元酺讌爰開百執羣斟露液三節

田家

占正月初三日  
為上正三節

祥雲肇布九農喜浹穀精十幹輪

初是日  
甲申

第盤盃而品推甲觀一春告協

立春前三日

鐫

琬琰而質叶申堅敷和則韻押七陽聯宿則躔週

四舍期爾吟成特達亦曰惟儒是珍顧予句卻譚

囂詎云昭德之致也哉

御製奇物大蒙久秘藏飛來不翼班天閭象山環寶應時

顯產此玉在葉爾羌西南之闐爾山闐爾者回語謂象也

麟閣

鴻勳邁古揚五譯遂通蔥嶺道三河直抵玉州疆風郵

上奏徵諸實

臣尹繼善

星使遙臨審厥詳初制六年工

尚象觀成

萬壽喜躋堂驛從西極

西清煥

臣劉統勳

宴接元正元會慶

月館涵和軒沆瀣

霞箋分韻夏宮商未春琪蕊豐占集

臣陳宏謀

先日銀幡協

氣彰天施地生驪栗上嶽輸川效蛸濛鄉非其所

有莫能取

臣官保

御製

惟德之歸敢弗覆聞昔伊犁卒艱致

玉舊有鋤痕二道深三寸許聞

是準噶爾所鋤蓋欲取而未能致者

際今闢爾竟呈祥溪流恰值堅冰結

運玉時適河冰已凍遂由冰面輓運尤為事半功倍

石齒先經引鋸鋸六甲徑煩呵護力五丁底費鑿

劉忙溫如條判貞剛脈

臣劉綸

瑟若全離紫翠匡凌

捷轉圜功迴倍璞端涉遠候纔當崖垠澤裔憑交

遞

臣託庸

屯吏回民共樂將歷塊乍知由勃律指塗

俄報度蒲昌入關環琯風從

舜

臣于敏中到

闕球琳州貢梁歲朔後唐支協洽律鄰建子復初陽陳

庭臣曰供包匭

臣王際華

御製  
庇穀予惟快兆穰韞石徒稱輝泰冒獻琛果見出崑

岡  
葉爾羌一帶山皆崑崙支脈也  
器因博大琢成甕

用稱輪囷滿挹漿爰進輿人圻瑑妙略侔荆氏砮

刀良金為攻錯資原利

臣素爾訥

沙謝磨礪屏未妨速

越痕都運輪磴巧逾喀嗎逞雕裘彭亨中穴堪剗

腹

臣蔡新

聲確邊鏤異截肪凹凸飾隨才適就縱橫

體合度均償哆箕口徑週廻緣

臣福隆安

帖妥趺承曲

朶牀外計以圍尋有半內衡可受石猶強色休磋

璵璣瑞伍

臣程景伊

御製范匪甌噐缶甌量瑪瑙那期盛寶露琉璃却勝貯沙

糖雲龍隱見瓊華燦

山水彌綸藻采煌軒帝蓋形符邃古伊祈圓象辨

殊荒逢逢甫覺芝泥吐

臣觀保

矯矯真教碧沼翔觸

擬合膚肌縝密化幾燒尾燄暉芒垂虹雅與無心

類

臣索琳

畏鐵何曾本性忘峯作夏時層蔚綠鱗更

雨後潤浮蒼非煙渾起輝含側

臣金姓

或躍仍依矩

折旁別解雷紋鋟鬲甗疇倫金彩幻青黃紉兮縵

縵舒英美

臣曹秀先

御製靈也昭昭貴道藏出岫一般容靄黼在田九見勢軒

昂義詮雜說思韓愈

爰系文言闡素王刻畫斐然升筍席規撫魁爾鎮

瑤廊易陶尤異齊民術

臣倪承寬

釋詁咸尋急就章井

汲十健詩想像坐消幾斛語徊徨丹書漫弄金絲

宅

臣奉寬

退筆虛留翰墨香園客繭繭輸喻似條支

鳥卵試形相閼深欲陋卮無當

臣劉星煒

特達誰矜邸

有璋較穀論區終瑣屑採藍剖楚總荒唐考源史

陋陀犁克

臣莊存與

御製

典瑞圖登葉爾羌延喜佩寧同獲禹攄忱貢豈比俘

湯四城回部耕桑宴

回部城落雖多總以葉爾羌喀什噶爾和闐阿克蘇四大城統之

萬里新輿尉候望宿飽士欣欣釜溢屢豐農忭瓦

盆嘗于馬任土趨紛紜

臣吉夢熊

藉此申誠走頡頏筆

室墨瓶湘几右瑛壺璿枕廣筵場式循天馬來馳



阜臣王杰狀準紈牛宛服箱赤壁佳遊摹玉局桃源

仙境寫柴桑洗収菡萏甘膏液臣毛輝祖杓挽鷗鷀絳

雪囊盤詠懷任階左礮孟聯明炳

殿東廂鉅材相什更相伯臣李中簡

御製瑰製載賡宜載颺詎數獨珍傳日下訝看雙珏偶承

光元玉瓚流傳日久至淪作道人菜瓚乙丑冬以千金易得貯之承光殿而系以詩但其質不純玉琢制亦

未精工與今時之瓚相去奚啻霄壤且瀆山酒海成至見於正史當時取義亦未當也玢幽精質

還過彼

斑駁頑姿孰友印刮椰烏容儕伯仲瑕瑜寧止隔

微茫拭塵幸免壺厨溷

臣邊繼祖

縱飲嗤緣酒海狂退

食記殊供掇拾輟耕錄太肆夸張猗與贄鰈供鷄

盛

臣曹文植

允矣周球夏鼎行足鄙五都評價值矧偕

九牧萃梯航調和兕爵三幽籥

臣金士松

斟酌衢尊四

達莊署款取貞攝提格紀年肇叶未渠央譜芳榴

實多蕃衍

臣彭元瑞

御製惡旨銀鏤戒樂康機事難施笑端木銘詞莫匹憶東

方希珍奕葉蘄永保慎德名言味最長

御製詩三集卷八十五